



UNIVERSITÄTS-
BIBLIOTHEK
PADERBORN

Universitätsbibliothek Paderborn

Io. Francisci Leonis Eporediensis I. V. D. Episcopi Thelesini Thesaurus Fori Ecclesiastici

Leoni, Giovanni Francesco

Coloniae Agrippinae, 1682

62 Parochialibus vacantibus causa permutationis, an examen requiratur.

urn:nbn:de:hbz:466:1-10316

dummodo habeat jus congregandi synodum, & eligendi examinatores, eoque elegerit, quo casu, omnia facere poterit, quæ in d. cap. 18. præcipiuntur, ut per sacr. congreg. fuit ibidem declaratum, in decis. sub. tit. Farsen. Legionen. Marsican. Cremonen. incipien. commendatarius. Abbatie.

55 Si autem unus ¶ tantum comparuerit 60 infra terminum edicti, examini subijci debet, & si idoneus repertus fuerit, eidem beneficium est conferendum, nisi fuerint alij descripti, qui se excusent legitimo impedimento detineri, quominus valeant in tempore ad concursum accedere, tunc enim Episcopus legitime poterit terminum 56 prorogare, sed aliud edictum ¶ proponi non debet, ut in declarationibus super eodem c. 18. §. congregatio censuit propter exiguitatem redditus parochialis, & ¶ si nemo se examini subijcere quærat, aut ob apertas factiones, seu dissidia, ne graviores 57 rixæ, aut tumultus excitentur; forma concursus omiſſa, per privatum examen supplere poterit: eod. cap. 18. in fin. sess. 24.

58 Ordinarij collatores, parochiales ¶ ecclesias in mensibus eisdem collatoribus per regulas cancellariæ assignatis, aut alias spectantibus vacantes, intra sex mensium spacium à die vacationis eorumdem, peracto examine iuxta formam præfati conc. Trident. conferre tenentur, alias earum collationes, dicto sex mensium termino elapso, Sedi Apostolicæ sunt specialiter reservatæ, ut in eadem constitut. 32. Pij V. 62 §. insuper.

59 Vacantibus ¶ autem in mensibus Sedi Apostolicæ reservatis, tenentur Ordinarij intra quatuor mensium spacium, à die illorum vacationis attestationem exami-

nis, cum significatione personæ magis idoneæ electæ ad Papæ Datarium, seu ejus officiales, quibus illius acceptionis onus incumbit, transmittere, alioquin eisdem quatuor mensibus elapsis, earum collatio, & provisio Sedi Apostolicæ absque eodem concursu est reservata, ut eod. §. insuper, dict. constit. 32.

60 Si verò parochiales ¶ jurispatronatus clericorum, vel laicorum, seu clericorum, & laicorum simul fuerint, nisi præsentatus à patronis infra tempus eidem à jure præfixum, prævio examine, juxta formam ejusdem concilij approbatus, institui petatur, & institutio infra duos menses à die præsentationis facta fuerit, devolvi: ut ad Metropolitanum, vel Ordinarium viciniorem, aut ad Sedem Apostolicam, quomodo malluerint patroni, qui recurrendi pro institutione habent optionem, ead. constit. 32. & §. insuper, circa fin.

61 Possunt etiam ¶ ordinarij beneficia per simplicem permutationem vacantia conferre, cap. unio de rer. permut. in 6. clement. unic. eod. titul. Fed. de Sen. conf. 156. nu. 1. & Pius V. Quanta Ecclesia, §. ad hoc beneficiorum, 58. constit. etiam si in diversis diocesis beneficiis sint constituta, quo casu quilibet coram suo Ordinario ex causa permutationis poterit renunciare, gloss. in d. cap. unic. in verb. collationem, in fin. de rer. permut. in 6. & trad. Jac. in d. cap. unic. quest. 9. Rebuff. præf. benef. de permut. numer. 36.

62 In parochialibus vero vacantibus ¶ per permutationem nullum proſus examen requiritur, quia proprie vacare non dicuntur, nisi esset magna inæqualitas numeri parochianorum, vel, quòd alias permutantes non fuissent examinati, quia, tunc

tunc potuerunt iterum, sed absque con-
cursu, ab examinatore coram Ordina-
riis, examinari, ut in declar. sacre congre-
gat. super eod. cap. 18. in decis. sub tit. Medio-
lanen. Tuden. Fauvifin. Ravenaten.

In permutationibus tamen de beneficio
simplici cum curato, licet non sit necessa-
rius concursus, pro parochiali tamen exa-
men est necessarium, ut ibidem super eod.
cap. sub tit. Camerinen. Ravenaten. & et-
tiam aliquibus casibus parochiales vacan-
tes poterunt sine concursu conferri.

63 Primò ¶ enim poterit concursus omit-
ti, si redditus parochiales fuerint adeo ex-
igui, ut totius hujus examinis operam non
ferant. Secundò, si nemo sit, qui examini
se subicere velit. Tertiò, quãdo ob apertas
factiones, seu dissidia facile graviores ri-
xæ, ac tumultus verisimiliter possent exori-
ri, quibus casibus, Ordinarij, si pro eorum
conscientia cum deputatorum consilio ita
expedire judicaverint, hac forma omiſſa,
privatum aliud examen, cæteris tamen re-
quisitis servatis, poterunt adhibere, & pa-
rochiales, prævio privato examine, confer-
re, concil. Tridentin. d. cap. 18. circa fin. § si
tamen adeo.

64 Beneficia ¶ verò curata, cujus redditus
adeo exigui sint, ut ea, aut nullus requirat,
vel compareant in concursu presbyteri ita
rudes, ut neque vulgarem linguam cal-
leant, an sit melius non idoneis conferre,
vel ea diu vacare permitti, Papa ex senten-
tia sacre congreg. conc. censuit conferen-
da esse illis, quos Ordinarius inter omnes
majoris esse litteraturæ cognoverit, eos-
demque amplius eruditi Episcopos curare
debere, ut habetur in declar. super eod. cap.
18. in decis. sub tit. nullius, quæ incipit: Quid
si nullius, & in §. beneficia autem.

65 Si autem ¶ beneficiorum permutatio
ex una parte fuerit completa, ex alia verò
per alterum steterit, quominus adimplea-
tur, pars, ex qua permutatio est completa,
si petat restitutionem, ad suum beneficium
venit restituenda, cap. cum universorum, de
rer. permut. & ibi Abb. nu. 8.

66 Resignationes ¶ etiam simplices Or-
dinarij admittere possunt, & beneficia
sic vacantia conferre, cap. admonet, & ibi
Abbas numer. 2. & 3. de renunc. ex causa
tamen, videlicet, eorum, qui, vel senio
confecti, vel valetudinarij, aut corpore
vitiati, vel impediti, aut crimini obnoxij,
censurisque ecclesiasticis sunt irretiti, aut
nequeunt, aut non debent ecclesiæ, vel
beneficio inservire, aut, qui unum aliud,
vel plura beneficia obtinent, vel, quos ad
alia contigerit promoveri, religionem
quoque ingressuri, vel matrimonium con-
tracturi, si statim postea id re ipsa exequan-
tur, quique ob capitales inimicitias neque-
unt, vel non audeat in loco beneficii resi-
dere securi, sed nec horum ulkus ad re-
nunciandum est admittendus, qui in sa-
cris sit constitutus, nisi religionem ingres-
surus, qui non habeat, unde se commode in
vita possit sustentari. Pius V. §. nunc autem,
ead. 58. constit.

67 Electores ¶ præsentatores, & patroni,
tam ecclesiastici, quam laici, ne bene-
ficia per resignationem hujusmodi va-
cantia, personis à resignantibus nomina-
tis, aut quomodocunque verbo, aut signo
designatis, neque dimittentium consan-
guineis, aut affinibus, vel familiaribus
etiam per fallacem circuitum multiplica-
tum in extraneos collationum conferan-
tur, curare debent.

Nam ¶ contrafacientes à beneficiorum
collatio-